



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm XVI. Causam.

[urn:nbn:de:hbz:466:1-62559](#)

2. Executio late sententia à delegato iudice differri debet propter appellationem eius, cuius interest, ne executioni mandetur, nisi appareat, quod malitiosè, aut solum differenda executionis causa interponatur.

NO T A N D V M I. Rescriptum Principis non ita intelligi debet, vt alteri præiudicium inferatur, nisi id exprimatur. Ita etiam habetur in l. 2. §. si quis à Principe, ff. Ne quis in loco publico, & videri h̄c potest Abb. n. 2. Decius col. 1. Vbi id ampliat, tametsi Princeps motu proprio, seu ex certa scientia rescribat: Item, tametsi tantum agatur de iure ad rem, & nondum plenè acquisito. Necesse tamen est, vt verba rescripti aliquam, quamvis impropriam significationem retineant. Ut in casu huius c. verba illa Ecclesiam ordines, ita explicari debent, cura, vt Ecclesia ordinetur, videlicet per eum, qui ius habet. Quod si autem rescriptum, alium, quamvis improprium intellectum habere non possit, nisi ut aliquid agatur cum præiudicio alterius, tunc seruanda sunt verba rescripti, atque existimandum Principem ex plenitudine potestatis derogare voluisse iuri tertij, præsertim si motu proprio, seu ex certa scientia promanauit. Sic enim ex recepta doctrina tradit Decius in c. quoniam, col. 5. limit. 2. hoc tit. Licet Princeps in dubio non censeatur vti plenitudine potestatis, secūs tamen esse, si alijs dispositio eius aut rescriptum inutile redderetur.

Sed quid si institutio eius beneficij ad Pontificem tum pertinuerit, v.g. per deuolutionem, potuissetne delegatus præsentatum instituere vigore eorum verborum, ordines Ecclesiam. Responso est affirmativa apud Abb. h̄c n. 5. Quia licet rescriptum Principis, quatenus partibus, vel alijs personis præiudicare potest, strictæ interpretationis esse debeat, tamen amplam potius interpretationem moretur eum respectu ad ipsum committem, vti etiam supra dictum in c. 1. de officio Vicarij, in 6. Imò etiam ex textu colligitur, quod delegatus instituere potuisset, vel in possessionem mittere, si is, ad quem de iure pertinebat, consensum dedit.

saltē tacitum, vt quia sciens id agi non prohibuisset, vti idem Abb. notauit.

N O T A N D V M II. Executio sententia latē à delegato Iudice differri debet, propter appellationem eius, cuius interest, ne executioni mandetur. Nisi appareat, quod malitiosè, aut tantummodo differenda executionis causa interponatur, vti Glos. hic avertit ver. tenebit. Quamuis hæc malitia præsumptio tolli possit, si opponens se uppellans incontinenti probationes offerat, iuxta Gl. in c. suscitata, 6. ver. sententia, ds in integr. restitut.

C A P I T U L U M XVI.

Causam.

P A R A P H R A S I S.

Causam diuortij inter duos coniuges Pontifex duobus Episcopis commiserat: iij. videarunt mulierem viro restituendam esse. Quod cum factum esset, vir mulierem adeo flagellauit, vt in confessionem eruperit, inter ipsos consanguinitatis impedimentum intercedere. Hoc intellecto, alter eorum Episcoporum iudicauit illos separandos esse. Sed Alexander III. postea declarat, sententiam vnius Iudicis delegati, absque socio pronuntiatam initam fuisse, ideoque viro mandandum, vt vxorem suam recipiat, & maritali affectu tractet. Postea vero, si quis matrimonium accusare, seu impedimentum eius ostendere voluerit, ab eisdem Iudicibus audiendum esse.

S V M M A R I V M.

1. Confessio graui metu extorta, non valde.
2. Si plures Iudices delegati sint, non habent iurisdictionem in solidum, unde unus sine altero procedere non potest, nisi in forma commissionis aliter expressum sit: scilicet est in indicibus ordinariis, v.g. duobus consulibus ciuitatis.
3. Si Index contra formam mandati iudicantis, sententia irrita est.
4. Si in sententia ferenda eandem mandat formam non seruauit, non censurabile fuitum.

functus suo officio, unde iterum iudicari potest.

NO T A N D V M I. Confessio metu extortum non valet. Sed debet esse metus grauis, spectata conditione personæ metuentis. Minor enim requiritur in muliere, quam in viro, ad hoc ut iustus, seu grauis censeatur, secundum Gl. in c. cum locum, 14. ver. metus, de sponsal. & dixi lib. 1. Th. mor. tr. 2. c. 6. n. 5. Vide quæ hic scribit Barbatia, statim à principio.

NO T A N D V M II. Si plures Iudices delegati sint, non habent iurisdictionem in solidum: Quare unus sine altero procedere non potest, nisi in forma commissionis aliter expressum sit, vt dicam in c. cum plures, 8. cod. tit. in 6. Quia de re infra dicetur in c. prudentiam, 21. hoc tit. Secus est in iudicibus ordinarijs, si plures iurisdictionem actualem habeant, v. g. duo consules in ciuitate: poterunt enim & simul, & seorsim iudicare, vii colligitur ex l. vn. ff. de officio consulis, vbi Bartol. n. 1. & 2. & Gl. in c. vt officium, 11. de hæret. in 6. Gl. in c. prudentiam, 21. ver. teneatur, ibid. Abb. de off. deleg. Idemque communiter docent de Iudicibus delegatis ad vniuersitatem causarum, v. g. duobus visitatoribus diœcesis, quod habeant iurisdictionem in solidum. Quia eorum iurisdictione ordinaria æquiparatur. Quæ est communis sententia apud Decium hic, col. 4. Barbat. col. penult. arg. l. 1. §. si plures, ff. de exerc. aët. Quamvis repugnet Abb. hic n. 7. arg. cit. c. vt officiū: quasi ibi specialiter constitutū fuerit, ut hæretice prauitatis inquisitores (qui ad vniuersalem causarū in hæresi materia delegati sunt) & simul, & separam cognoscere possint. Verum ex texto non satis colligitur, id specialiter constitutum fuisse: cum plura eo c. demandata sint, & hoc ipsum, de quo loquimur, à Pontifice specialiter declarari potuerit, ne dubitationi locus esse posset.

NO T A N D V M III. Si Iudex delegatus contra formam mandati iudicavit, irrita est sententia: Quare si eam executioni mandavit, deiçiendo aliquem de possessione, ante

omnia restituendus est spoliatus. Ita etiam habetur in c. cum causa, 22. hoc tit. Et in c. conquerente, 17. de restit. spoliatorum, ex quo habetur, quod etiam is, qui à iudice, ordinario aut delegato, ordine non seruato spoliatus est, ante omnia restituendus sit.

NO T A N D V M IV. Si Iudex delegatus in sententia ferenda formā mandati non seruauit, non censetur esse officio suo functus: quare iterum iudicare potest. Ita colligitur ex hoc textu, & dixi etiam suprà cit. c. in litteris, 9. not. 1. hoc tit.

CAPITVLVM XVII.

Causam.

PARAPHRASIS.

Controversiam quandam, quæ erat inter Franciscum & Romanum, Alexander III. tribus Episcopis delegauit. Sed quia Franciscus vnum horum Episcoporum, tāquam suspectum sibi recuauit, ed quod dominus esset dicti Romani, ideo Pontifex loco illius subrogauit Herfordensem.

S V M M A R I V M .

1. *Iudex ut suspectus recusari potest, si suspicio seu causa recusandi probabilis afferatur.*
2. *Et potest recusari etiam unus ex collegio iudicium, si consideratis circumstantijs probabile sit periculum perversionis, aut iniustitia.*
3. *Jurisdictionem voluntariam dispensationis, legitimacionis &c. potest exerceri erga familiares domesticos, consanguineos, filios etiam proprios.*

NO T A N D V M I. Iudex ut suspectus recusari potest, si suspicio, seu causa recusandi probabilis afferatur, c. suspiciones, 39. hoc tit. & c. licet, 10. de foro compet. Vel si ea iure expressa sit, ut hic: Videl. Si Iudex sit dominus aduersarij, quocum contendere debes, vt etiam colligitur ex l. qui iurisdictioni, 10. ff. de iurisdictione omnium iudic. Quia censetur illum peculiariter diligere, aut

Hh 3

re, aut